


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

3

北京圖書館出版社

福州府志卷之二十五

人物志

人物志

福郡會八閩山水之秀士生其間承修德
偉人受疏道學而下幽及列女微及藝文類為十
二目其大都亦足以觀焉

道學

宋

黃榦字直卿閩縣人監察御史瑀之子瑀歿榦往見
清江劉清之因命受業朱文公既見夜不設榻不

東坡先生

解帶倦則少坐或至達曙文公語人曰直卿志堅
思苦與之處甚有益久之授以道德性命之旨張
拭卒文公與榦書曰吾道益孤所望於賢者不輕
遂以其子妻之寧宗時補將仕郎授迪功郎監台
州酒務居母喪學者多從講學于墓廬文公作竹
林精舍成遺榦書有他時便可請直卿代卽講席
之語及編禮書獨以喪祭二編屬榦稿成文公見
而喜曰所立規模次第縝密有條理他日當取所
編家鄉邦國王朝禮悉倣此更定之病革以深衣

及所著書授榦手書與訣曰吾道之託在此吾無憾矣榦持心喪三年埵調監嘉興府石門酒庫吳獵帥湖北辟爲荆湖北路安撫司激賞酒庫兼準備差遣江西提舉常平趙希懌知撫州高商老復共辟爲臨川今有善政改知新淦以薦擢監尚書六部門未上改差通判安豐軍淮西帥司檄榦鞫和州獄夜夢井中有人明日詰囚曰汝殺人投之於井胡得欺我囚遂驚服知漢陽軍值歲飢多方賑貸惠及旁郡民大悅尋以病乞祠章三上得主

管武夷冲祐觀復起知安慶府金人破光山安慶
震恐乃請城安慶備戰守後金人破黃州沙窩諸
關淮東西恟懼獨安慶按堵如故未幾霖潦巨浸
暴至賴城以全舒人德之皆曰不寇死不水沒生
汝者黃父也制置李珣辟爲叅議官再辭不受旣
而朝命與徐僑易和州且令先赴制府稟議幹卽
日解印趨制府和州人日望其來先是幹移書於
李珣極言軍政不修邊備廢弛珣皆不能用幹知
不足與共事歸自維揚再辭和州之命乞祠閉門

謝客乃復告珏敵國深侵宇內騷動主上食不甘
味聽朝不怡大臣憂懼不知所出尚書豈得不朝
夕憂懼而乃迂緩暇逸耶言皆激切同幕忌之尤
甚共詆排之遂力辭去請祠不已俄再命知安慶
不就入廬山訪其友李燔陳宓相與盤旋玉淵三
峽間俛仰其師舊跡講乾坤二卦於白鹿書院山
南北之士皆來集未幾召赴行在奏事除大理寺
丞不拜爲御史李楠所劾歸鄉里弟子日盛多已
蜀江湖之士編禮著書日不暇給講論經理疊疊

不倦如文公嘗事尋命知潮州辭差主管亳州明道宮踰月乞致仕許之特授承議郎卒贈朝奉郎廕一子文學謚文肅有經解文集四十卷行于世史謂其籌畫閫事忠忱遠慮有諸葛孔明遺意

○王蘋字信伯福清人程門高第也寓居平江資稟清粹充養純固平居恂恂儒者及語當世之務民俗利病若習於從政者紹興間守臣孫祐薦之召對賜進士出身除秘書省正字嘗上言曰人心廣大無垠萬善皆備盛德大業由此而成故欲傳堯舜

禹湯文武之道擴充是心焉爾尋補迪功郎兼史
館校勘遷著作郎乞外補通判常州主管台州崇
道觀致仕官至左朝奉郎楊時嘗曰同門後來成
就莫踰吾信伯中書舍人朱震寶文閣直學士胡
安國徽猷閣待制尹淳皆嘗舉以自代淳薦尤力
謂其學有師承識通世務宜司獻納今福清有龍
江書院

○林之奇字少穎候官人紫微舍人呂本中入閩之奇
甫冠從之游嘗將試禮部行次衢州以不得事親

而返學益力本中奇之由是學者踵至中紹興二
十一年進士累官校書郎會朝廷欲令學者參用
王安石三經義說之奇上言王氏三經率爲新法
地所謂邪說詖行淫辭之不可訓者晉人以王何
罪深桀紂王氏實負王何之責或傳金人欲南侵
之奇作書抵當路以爲與之和宜無憚於戰則其
權在我又戰以人才爲先必求可與共患難如龐
士元者可也以痺疾乞外由宗正丞提舉閩舶叅
帥議遂以祠祿家居號拙齋東萊呂祖謙嘗受學

焉卒謚文昭有書春秋周禮說論孟楊子講義道
山記聞等書行於世

○陳孔碩字膚仲候官人徙居懷安祖僖父衡皆嘗爲
朱晦菴所稱重孔碩少卽刻志力學好古道以聖
賢自期嘗往從學張南軒呂東萊歸復偕其兄孔
夙拜晦菴於武夷甚爲所器重登淳熙二年進士
調婺州戶曹暇卽詣東萊講學東萊沒心喪三年
教授處州以所聞於三先生者訓學徒多有成後
歷知邵武瑞金縣在瑞金初壇壝新文廟置社倉

除吏部駕閣累遷將作監丞禮部郎中知惠州提
舉淮東常平嘉定間叛寇胡海挾金虜來襲遣子
韓募死士合鹽軍迎擊於青塚破之移曹廣西後
丐祠主千秋鴻禧觀累召不起除直龍圖閣進秘
閣脩撰素性嚴毅沈靜有守利祿不動其心與楊
淡軒葉水心友善莅官所至有古良吏風在朝數
以忤史彌遠不容自廣西歸杜門著書書工篆隸
卒以子韓贈太子太師金紫光祿大夫候官縣開
國男所著有中庸太學解北山集三十卷行于世

學者稱爲北山先生

林用中字擇之號東屏古田人始從林光朝學旣而
曰吾當求所謂明德新民止至善者以畢吾志聞
朱文公授徒建安遂棄舉業徃從焉文公嘗稱其
通悟脩謹謂爲畏友與蔡元定齊名張栻守潭州
文公偕用中往訪之有南嶽唱酬集石塾宰尤溪
延掌學政僅爲一往後不復出終身不求仕進趙
汝愚帥閩日常親造問政焉卒子孫能世其文行
邑宰洪天錫嘗扁其門曰通德

○潘柄字謙之候官人年十六有志於道朱文公悉以所學授之平生多著述如易解尚書解之類學者號爲瓜山先生卒祠于三山書院

林夔孫字子武號蒙谷古田人朱文公門人也黨禁起學者更事他師惟夔孫從文公講論不輟文公易簣之際謂之曰道理只是如此但須做堅苦工夫嘉定間特奏名爲縣尉有書本義中庸章句并蒙谷集行于世文公嘗口授講義俾講于白鹿洞丞相江萬里嘗遊其門爲序其集

林學蒙字正卿一名羽永福人從朱文公學因築室
龍門菴下講明道德性命之旨不務俗學鄉人皆
師尊之有梅塢集傳于世弟學履字安卿與羽同
學於文公之門

儒林

唐

●黃璞字德溫候官人後徙莆田少與歐陽詹齊名大
順中登進士官至崇文館校書郎昭宗嘗杜門不
仕黃巢兵入閩以璞儒者戒毋燬其居遂滅炬勒

兵而去自號霧縠子所著有閩川名士傳及文集

二十卷

宋

○劉彝字執中閩縣人居鄉以行義稱從胡瑗學瑗稱其善治水凡所立綱紀規式彝力居多登慶曆進士累官胸山令治簿書恤孤寡作陂池教種藝平賦役抑奸猾邑人紀其事目曰治範熙寧初爲制置三司條列官屬二年召對神宗問胡瑗文章與王安石孰優對曰胡瑗以道德仁義教東南諸生

嘗王安石方在場屋脩進士業臣聞聖人之道有
體有用有文累朝取士不以體用爲本而尚其聲
律浮華之詞是以風俗偷薄臣師瑗明體用之學
以授諸生始自蘇湖終于太學出其門者千有餘
人故今學者明乎體用以爲政教之本皆臣師之
功也神宗曰其門人今在朝者爲誰對曰若錢藻
之淵篤孫覺之純明范純仁之直溫錢公輔之簡
諒皆陛下所知也其在外明體適用政事文學者
尚多有之以言新法非便罷尋除都水丞父雨汴